

老子道德經序訣

太極左仙公闡玄造

老子體自然而然生乎太无之先起乎无因
 經曆天地終始不可稱載終乎无終窮乎无
 窮極乎无極故无極也與大道而輪化爲天
 地而立根布氣於十方抱道德之至純浩浩
 蕩蕩不可名也煥乎其有文章巍巍乎其
 有成功淵乎其不可量堂堂乎爲神明之宗三
 光持以朗照天地稟以得生乾坤運以吐精
 高而無民貴而無位覆載無窮是教八方諸
 天普和大道開闢以前復下爲國師代代不
 休人莫能知之近成萬物不言我爲玄之德
 也故衆聖所共尊道尊德貴莫之命而常
 自然惟老子乎周時復託神李母剖友腋而生
 生即皓皓然号曰老子老子之号因玄而生在
 天地之先無衰老之期故曰老子世人謂老
 子當始於周代老子之号始於無數之徇甚
 窈窈冥冥眇邈久遠矣世衰大道不行西遊
 天下閔令尹喜曰大道將隱乎願爲我著書
 於是作道德二篇五千文上下經焉夫五千
 文宣道德之源大无不苞細无不入天人之
 自然經也余先師有言精進研之則聲參太

熱高上遙唱諸天懽樂則翫契玄人靜思期
真則衆妙咸會內觀形影則神氣長存體洽
道德則萬神震伏禍滅九陰福生十方安國
寧家孰能知乎无為之文惡之不屑飭之不
榮撓之不濁澄之不清自然也應道而見傳
告无窮常者也故知常曰明大道何為哉和
之由人斯文尊妙可不熱精乎粗述一篇
唯有道者實之焉

河上公莫知其姓名也漢孝文皇帝時齋草
為菴于河之濱常讀老子道德經文帝好老
子之言詔命諸王公大臣州牧二千石朝直
衆官皆令誦之有所不解數句時天下莫能
通者問侍郎說河上公誦老子乃遣詔使賈
所不了義問之公曰道尊德貴非可遙問也
文帝即駕從詣之帝曰普天之下莫非王土
率土之賓莫非王臣域中有四大王居其一
也子雖有道猶朕民也不能自屈何乃高乎
朕足使人富貴貧賤須臾河上公即俯掌坐
躍冉冉在虛空之中如雲之升去地百餘丈
而心於玄虛良久俛而告帝曰余上不憂天
中不累人下不居地何民之有陛下為能令

余富貴貧賤乎帝乃悟知是神人方下輦
 誓首礼謝曰朕以不德忝統先業才不任大憂
 於不堪雖治世事而心敬道德直以闇昧多
 所不了惟蒙道君和愍有以教之則幽夕觀
 太陽之耀光河上公昂授素書老子道德經
 章句二篇謂帝曰熟研此則所疑自解余注
 是經以來千七百餘年凡傳三人連子四矣
 勿亦非其人文帝跪受經言畢失公所在論
 者以為文帝好老子大道世人不能盡通其
 議而精思遐感仰徹太上道君遣神人持下
 教之便去耳恐文帝心未純信故示神變以
 悟帝意欲成其道真時人因号曰河上公焉
 太極左仙公葛玄曰老子以上皇元年正月
 十二日丙午太歲丁卯下為周師到元極元
 年太歲癸丑五月壬午去周西度関関令尹
 喜宿命合道豫占見紫雲西邁知有道人當
 度仍齋絜燒香想見道真以其年十二月廿
 五日老子度関也喜見老子迎設礼稱弟子
 老子曰汝應為此宛利天下棄賢世傳知大
 道子神仙者矣以廿八日日中授太上道德經
 義洞虛无大无不包細无不入聖王不能盡通

其義昔漢孝文皇帝好大道縱容无爲之
堂嘆凡聖無能解此玄奧精思遠感上徹
太上道遣真人下授文帝希微之旨道人
即信誓傳授至人此字授定外儒所雜傳多
誤今當叅搜此玄之使與玄洞相應十方諸天
人神仙天地鬼神所宗奉文同無一異矣吾
已於諸天神仙大玉授定受傳天人至士賢
儒當宗極正真知道大度何可不精得聖
人本文者乎吾所以有言此欲正玄妙於天
地人耳今說是至矣明矣夫學仙者必能知
幽蹟也

道士鄭思遠曰余家師葛仙公受太極真人